

# Հ Ա Մ Ա Գ Ո Ր Ծ Ա Կ Ց ՈՒ Թ Յ Ա Ն Պ Ա Յ Մ Ա Ն Ա Գ Ի Ր

«ՇԻՐԱԿԻ Մ. ՆԱԼԲԱՆԴՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ  
ԵՎ  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ  
ԿՈՌԱՎԱՐՄԱՆ ԱԿԱԴԵՄԻԱՅԻ  
միջև

«Շիրակի Մ. Նալբանդյանի անվան պետական համալսարան» հիմնադրամը (այսուհետ՝ Համալսարան)՝ ի դեմս Համալսարանի ռեկտոր Սահակ Մինասյանի, որը գործում է Համալսարանի կանոնադրության հիման վրա, մի կողմից, և Հայաստանի Հանրապետության պետական կառավարման սկադեմիան (այսուհետ՝ Ակադեմիա)՝ ի դեմս ռեկտոր Արսեն Լոքյանի, որը գործում է Ակադեմիայի կանոնադրության հիման վրա, մյուս կողմից, (այսուհետ՝ Կողմեր), անհրաժեշտ համարելով ՀՀ բուհերի միջև համագործակցության զարգացման կարևորությունը, կնքեցին սույն պայմանագիրը համագործակցության մասին:

## 1. ՀԱՄԱԳՈՐԾԱԿՑՈՒԹՅԱՆ ՆՊԱՏԱԿՆԵՐԸ ԵՎ ՍԿԶՐՈՒՆՔՆԵՐԸ

1.1 Համագործակցության նպատակը սկադեմիական և գիտական ոլորտում համատեղ փոխշահավետ ծրագրերի մշակումն ու իրականացումն է:

1.2 Կողմերը կզարգացնեն երկխոսությունն ու համագործակցությունը փոխադարձ հետաքրքրություն ներկայացնող բնագավառներում: Այդ համագործակցությունը կիրականացվի՝ օգտագործելով հետևյալ միջոցները և մեթոդները.

1.2.1 համատեղ միջոցառումների կազմակերպում. երկու Կողմերի փորձագետների և պաշտոնյաների մասնակցությամբ խորհրդակցություններ, հանդիպումներ, կոնֆերանսներ, կլոր սեղաններ և այլ ժողովներ.

1.2.2 մեխանիզմների և ուսումնական ծրագրերի համատեղ մշակում՝ ընդգրկելով երկու կառույցների համապատասխան մասնագետներին.

1.2.3 փոխադարձ հետաքրքրություն ներկայացնող ոլորտներում փորձագետների/մասնագետների փոխանակում:

1.3 Կողմերի համագործակցության հիմքում փոխըմբռնման, հրապարակայնության, փոխադարձ վստահության, ներդաշնակության, արդյունքների կառավարման և փոխադարձ պատասխանատվության սկզբունքներն են:

## 2. ՀԱՄԱԳՈՐԾԱԿՑՈՒԹՅԱՆ ՁԵՎԵՐԸ

2.1 Արդյունավետ համագործակցություն հաստատելու նպատակով Կողմերը՝

2.1.1 կկազմակերպեն պատվիրակությունների այցելություններ՝ նախապես ճշտելով և ամրագրելով այցելության նպատակը, ժամկետը, տևողությունը, ծախսերը,

2.1.2 կիրականացնեն ուսումնական պլանների և ծրագրերի, ինչպես նաև ուսումնական գործընթացում նորարարական տեխնոլոգիաների կիրառման փորձի փոխանակում,

2.1.3 կկազմակերպեն ուսանողների և դասախոսների մասնագիտական վերապատրաստումներ, վարպետության դասեր, կլոր սեղաններ, թեմատիկ բանավեճեր,

2.1.4 կտրամադրեն տեղեկություններ գործող կրթական ծրագրերի մասին,

2.1.5 կմշակեն համատեղ կրթական ծրագրեր և/կամ առանձին դասընթացներ՝ ուսանողներին հնարավորություն տալով կրթություն ստանալու նաև հեռավար ուսուցման միջոցով,

2.1.6 կապահովեն ուսանողների և պրոֆեսորադասախոսական կազմի շարժունությունը՝ նախապես ամրագրելով փոխանակման պայմանները, ֆինանսավորումը,

2.1.7 հնարավորություն կընձեռեն գիտական ամսագրերում գիտական հետազոտությունների արդյունքները տպագրելու համար,

2.1.8 կմասնակցեն համատեղ հիմնարար, կիրառական գիտական հետազոտությունների իրականացմանը, դրանց արդյունքների հրատարակմանը, գիտական և ուսումնամեթոդական հրատարակումների փոխանակմանը,

2.1.9 կտրամադրեն միմյանց գիտակրթական և մեթոդական գրականություն և մասնագիտական զարգացմանը նպաստող էլեկտրոնային աղբյուրներ,

2.1.10 համատեղ կկազմակերպեն հանրապետական և միջազգային գիտաժողովներ,

2.1.11 համատեղ կիրականացնեն գիտական դրամաշնորհային ծրագրեր,

2.1.12 կմասնակցեն կրթական, գիտական, մշակութային ծրագրերին, միջոցառումներին:

2.2 Առանձին դեպքերում վերոնշյալ գործողությունների պայմաններն ու ձևերը կսահմանվեն յուրաքանչյուր առանձին դեպքի համար նախատեսված համաձայնագրերով:

### **3. ԵԶՐԱՓՈՒԿ ԴՐՈՒՅԹՆԵՐ**

3.1 Պայմանագիրն ուժի մեջ է մտնում ստորագրման պահից և գործում հինգ տարի ժամկետով:

3.2 Սույն պայմանագրում փոփոխություններ և լրացումներ կատարվում են Կողմերի փոխադարձ համաձայնությամբ՝ լրացուցիչ համաձայնագրեր կնքելու միջոցով, որոնք կհանդիսանան սույն պայմանագրի անբաժանելի մասը:

3.3 Սույն պայմանագիրը լուծվում է Կողմերի փոխադարձ համաձայնությամբ կամ պայմանագրի կատարումից միակողմանի հրաժարվելու դեպքում: Պայմանագիրը լուծելու

վերաբերյալ առաջարկությունը մի կողմը մյուս կողմին ներկայացնում է պայմանագրի լուծման նախատեսվող ժամկետից առնվազն երեք ամիս առաջ:

3.4 Սույն պայմանագրով չնախատեսված հարաբերությունների կարգավորման առումով Կողմերն առաջնորդվում են ՀՀ օրենսդրությամբ:

3.5 Սույն պայմանագիրը կազմված է իրավաբանական հավասար ուժ ունեցող երկու օրինակից, յուրաքանչյուր Կողմին՝ մեկական օրինակ:

#### 4. ԿՈՂՄԵՐԻ ՀԱՍՑԵՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

**«Շիրակի Մ. Նալբանդյանի անվան  
պետական համալսարան» հիմնադրամ**

Հասցե՝ ՀՀ, ք. Գյումրի, 3126, Պ. Սևակ 4  
Հեռ. (+374 312) 6 94 94  
Էլ. հասցե՝ [info@shsu.am](mailto:info@shsu.am)

Ռեկտոր

Կ.Տ.



Ս. Մինասյան

**Հայաստանի Հանրապետության  
պետական կառավարման ակադեմիա**

Հասցե՝ ՀՀ, ք. Երևան, Կիևյան 8  
Հեռ. (010) 26-92-59  
Էլ. հասցե՝ [aspa.paara@gmail.com](mailto:aspa.paara@gmail.com)

Ռեկտոր

Կ.Տ.



Ա. Լոբյան